

PROGRAMMA

QVO  
RECTOR

UNIVERSITATIS ROSTOCHIENSIS

BERNHARDUS BARN-  
STORFF,

MEDICIN. DOCT. PROF. PUBL.

& POLIATER

CIVIBUS SUIS

ACADEMICIS


FESTUM NATA-  
LE SERVATORIS  
SACRUM ET FELIX

EOSQVE  
SALVOS

ET

LUCIS FILIOS ESSE

JUBET



ROSTOCHII,

Typis JOH: WEPPLINGII, Univ. Typogr:

67





# Vmana Filii DEI

natura ipsâ luce, quam

videmus, clariore est. Neque enim porro excitato per mediam noctem Splendore delineari debet, velut in pastorum conspectu Luc. II. 9: (δόξα Κυρίου περιέλαμψεν αὐτοὺς) Sed quasi solis radio expressa per Universam Scripturam re-

fulget. Imo cum ipse servator vera lux esse perhibetur Joh. I. 9. Jes. LX. 1: illud inde est; quod in luce nonnulla sunt, quæ Sacrosanctum nativitatis suæ negotium repræsentant. Ergo quidem lux præter id, quod seipsam à CHRISTO habet Hebr. I. 2 conf. Gen. I. 3, multo illustrior evadit translata in eandem divinitatis ipsius effigie. Sane nulla ex omni eorum, quæ sub sole videmus, ambitu, manifestior est res divinas declarandi ratio (excepta humanitate, quæ DEO penitus unita est) præter lucis naturam. Hæc certe eo ipso quod tam est impervia, adeo nemini explorata, quin omnino ignota, efficit, quo minus nostræ de illo, quid DEUS sit, quid incarnatio Filii DEI? ignorantia succenseamus. Mirum profecto est, quantopere id argumentum, de lucis natura omnis seculi Scholas exercuerit? quam misere se in eo torserint? quam anxie semoverint nihil promoventes. Ridet Academiam Peripateticus, quod ardorem ultimum atque altissimum undique circumfusus & extremum pro certissimo DEO habeat. (Cic. L. I. de Nat. Deor.) Qui vero post Epicurum lucem ajunt flammam esse, quæ inde ab ipso sole ad ea, quæ conspiciuntur, producat eos exagitant, qui cum Aristotele vix plus dicunt, quam lucem esse lucem, describentes eam: quod sit qualitas, per quam aliquid luceat. Ipsi artium reformatores æque nesciunt, quid lux sit? Neque enim Cartesius lucis naturam, sed motum explicuit, quando partem substantiæ luminosæ continuo tractu aerem, qui interjacet, ad objectum indeque ad oculum propellere excogitavit. Alii (Du Hamel,

58700(48)





Hamel, Chambray) lumen, seu id, quod res proxime illustrat atque videndas præbet, esse continuatam materiam lucis, non quid illa sit, dictitant: alii ex luce faciunt pilulas seu minutissimos globulos partium ignearum, qui in supremam cœli Sphæram coaluerint: alii lucem pro Spiritu venditant, qui cum alio, nempe aere conjugium ineat, eumque imprægnat, & ita omnem rem visibilem generet; ut lux idem quod mas, aer quod fœmina apud nos in generatione facere perhibentur, conferant. Denique cum nihil omnino tam clarum sit, aut tam negari nequeat; quam quod lux sit? nihil rursus æque obscurum est; quam quid sit? Res ea singulare exemplum habet abstrusissimi de DEO humanitatem recipientis mysterii. Id namque esse nobis in Summo bono est, & per totum fidei Christianæ circulum quasi lux per orbem patet. At vero quomodo facta sit incarnatio & quid revera sit æternum utriusque naturæ vinculum, id si ultra dicendum sit, quam quid esse nequeat, pia fidei simplicitate ignoratur. Idem menti nostræ hoc cogitanti accidit, quod visui, quando solem curiosius introspicimus, tanto obtundi oculorum aciem opere, ut nihil plane cernat. Quid enim posset ab homine concipi, quod ipsi etiam angeli modo affectant intueri? 1. Pet. I. 12. Satis est effectum dominicæ nativitatis, quæ DEI est gratia, luce meridiana nobis clariorem esse. At quomodo DEUS carnem adsumere, unus cum illa fieri, in illa nasci, crescere, pati, proprium Sanguinem fundere ac mori; & vicissim eam omnipotentem reddere ac in divinæ majestatis præsentissimum provehere fastigium poterit, id mihi quidem eius præceptis tam non explicabunt Theologi; quam ego ex naturæ principiis lucis naturam descripsero. Verum uti in miraculo naturæ lux est, quæ uno momento totum orbem occupat, & quod singula Vos præsentis tempestatis Vespera docet, totum cui infertur musæum extemplo illustrat: Sic DEUS in carne manifestatus non modo omnia implet in omnibus: Eph. I. 23. Sed etiam, quando (quasi lux universi in faces nostras accereos vel candelas derivata) cum pane & vino in cœnæ mysterio conjungitur; fidelem, cui offertur, animam undiquaque fidei fulgo-



fulgore splendidam facit. Cumque toto cœlo CHRISTUS luci præstet, multo etiam ille penitus non sapientum modo, sed infantium quoque animos ingreditur; multo largius per quamcumque aut legentis aut auscultantis, aut vitam ducentis peccatoris conditionem se insinuat; multo intimius vel invitum hominem contingit: quam ubi lux regum Palatia & pauperum tabernas æque intrat, aut vel per tenuissimam rimam irrumpit, vel nemine cogitante exoritur. De lucis reflexione ac refractione tota fere est materies doctrinæ opticae. Quia enim primum ab ipsa luce id, quod video illuminari debet, atque hinc quasi ducta per aerem linea recta visione sem accipimus; ideo reflecti dicitur radius lucis: quippe qui e lucis materia primo in objectum, atque post ad meum procedit oculum. Porro quia aliquando accidit corporibus pellucidis propter ipsam perspicuitatem suam, ut quicumque eluce radius in ipsa prodeat, is intra ipsum corpus illud penetret, unde quaque versus transparentes radii tandem quod in media ejus parte supremum punctum est, occupant & novos quasi radios, (velut in ustorio speculo, in vitro, adamante vel glacie scintillantibus videtur) dispergunt: qui cum quasi refringantur, tota res refractione lucis dicitur. Reflectitur sane lux CHRISTI salutaris quoties immediato illapsu ejus meritum atque justitiâ tendit in peccatoris miseriam: eamque adeo facit perspicuam, rursusque adeo illustrem; ut peccans homo se damnabilem, justus autem in cœlis judex eundem justificatum conspiciat. Quod si a refractione similitudinem petis? En habe illam! Namque in illos, qui vel integritate vitæ, vel cruento Christianæ veritatis testimonio, vel doctrinæ puritate nobis prælucent; in illos quasi ex omni parte lux divina ingruit, & ipsi instar quoddam ipsius atque exemplum præbent. Illud venuste admodum & μαθηματικῶς (namque a Sancto edoctus erat Spiritu) Paulus eloquitur: 2. Cor. IV. 6. DEUS qui dixit ex tenebris lucem elucescere, ille illustravit (ἐλαμψεν emisit radium) in cordibus nostris (Apostolorum) ad illuminationem (Φωτισμὸν) cognitionis divinæ gloriæ in facie seu effigie (πρὸς ὥπῳ) JESU Christi. Quod si etiam persequi vellem illud caput, de percussione lucis



lucis, & quomodo in speculis imago intuentis videatur, atq; hinc  
 quandoque in aliud, & inde in tertium referatur; Velut Christi  
 Spiritus in nobis effigiem Domini efformat, & exemplo in alios  
 dilato eam propagat: itidem Paulina autoritate id facere possem,  
 conf. 2. Cor. III. ult. Nolo autem hic quicquam de Divinitatis &  
 humanitatis in una CHRISTI persona nexu, deque essentiae abso-  
 lutissima simplicitate, quæ Christo est cum Patre & Sancto Spiritu,  
 ex luminis similitudine dicere. Quod si enim me non fallunt o-  
 mnia: si luci æquipararem unionem in Christo personalem, vel soli  
 vel lumini etiã vulgari: gratiam apud Reformatos inirem. qui  
 uti solem in cœlo, aut in tuo faculam loco remanere & tamen  
 splendorem ejus undique diffundi videamus: Sic Christam etiam,  
 quæ homo est, in spatio quantum sufficiat humano corpori, cœle-  
 sti esse & tamen divinam, quæ affecta sit caro, naturam ubique  
 adesse dicent. Quod autem lumen & ejus radii ac denique circum-  
 fusus splendor umbram Trinitatis habeat, quæ etiam in sen-  
 sus gentilium veterum parumper incurrit, quamvis negare no-  
 lim: malui tamen ea recensere, quæ illustrent, quam quæ ob-  
 umbrent argumentum meum, Manet ergo hoc: in luce nobis  
 Christum repræsentari, qui tamen illa ipsa multo augustior est atq;  
 potior. Quamvis enim illa quam videmus lux talis est, ut sine ea  
 ne quidem mundus mundus foret, nec divinæ virtutis opera vide-  
 rentur: ad CHRISTUM tamen relata non minus est inferior, quam  
 de cœtero illa est iuperior. Unum addo lux quando opacum cor-  
 pus afficit, partes eas, quas per hujus interjectionem attingere,  
 non potest, umbrosas relinquit, si venon illuminat. Umbra quip-  
 penihil est, sed aliquid esse videtur, in ea parte quo lux non pe-  
 netrat. Forte non errabo si & hoc ad Christi nativitatem refe-  
 ram. Umbram habuit Vetus Testamentum futurorum bonorum  
 Ebr. X. 1. (NB ἔχων τὴν σκιάν non ὦν ἡ σκιά.) Jam vero uti  
 sole oriente vel cadente hominem eundem videas vel præcedane-  
 am vel consequentem ducere umbram; qui, cum sol vertici im-  
 minet, sine umbra est: sic eadem fides, eademque salus, quæ, post-  
 quam



quam Filius DEI carne assumpta quasi centro suo circulus insedit, undiqueque clara est & sine omni umbra; antequam lux ista talem gradum assequeretur, in Veteri Testamento præ se habuit umbram, quæ sub sacrificiorum involucris illam non prorsus illustrari sinebat, quæque, ubi lux apicem suum obtinuit, evanuisse & cum pleno lumine permutata esse intelligitur. Utinam nostra ætas illud tanta contentione non ageret; ut unum ex alio, quæ mores quaque doctrinam luci non objiceret obstaculum, forte tristissimam post se sparsura umbram?

Nunc Vos, Charissimi Cives, præsens Scriptura appetit Vos inquam, quos pater luminum mediante veritatis verbo benigne progenuit Jâc. I. 18. quos æque ac omnem in mundum venientem veniens in mundum vera lux illuminavit Joh. I. Cavete ergo ne ab hac tam illustri stirpe degeneretis, neve tenebrarum soboles fieri credamini. Neque enim accepta res est ignobilis aut exigua: sed nihil habet supra se præstantius. Quia hæc demum gloria ingens est ac præcipua: ipsius DEI Filium esse. Enimvero per fidem tales estis Gal. III. 26. & quidem per Christi nativitatem divino generi velut annexi, 2 Pet. I. 4. accepta inde facultate fieri filios DEI Joh. I. 12. Neque tanta dignitate carere aut eam respuere sine gravissimo damno poteritis: Cum tam copiose sanctissima hæc lux Vobis pateat, & vos quasi persequatur; ut vel plane non, vel certe nullius, quam vestra culpa quondam in tenebris æternis versari debeatis. Quod quo est miserius; hoc plus beatitudinis habet ingenuam imitari lucis indolem: quæ nunquam est otiosa, semper corpori illabatur, semper corpus facit conspicuum. Sic vestra fides indies capiat e luce divina augmentum, & continuo se videndam per omnia virtutum genera, uti in coloribus lux, impofterum præbeat Splendeat lux vestra coram hominibus quo videant opera vestra, eademque bona, & luce digna, patremque cœlestem deprædicare discant Matth. V. 16. Sic lumen etiam de vestro dabitur lumine (ut cum Ennio e Cicerone loquar) quando errantes & malos quasi manu data per egregium virtutis modestiæque exemplum corrigetis. Duo autem sunt, quæ  
po.



potissimum faciunt, ne indignum aut statu vestro aut meo officio existimem, nunc potissimum vos commonefacere ad rem, in qua vos semper paratissimos esse deceret. Videtis hoc tempore, ubi sol in extremo sui a nostris terris discessus constitit, eundem nunc moliri reditum & quasi de novo lucere velle. Quod cum soli turpe non sit, quin vos illius exemplo recepta divinæ lucis virtute novam etiam vitam in luce meditari accingamini. Dehinc idem tempus est, quo anniversariam exortæ lucis salutaris, atque egressus superni solis e thalamo illibatæ virginis in Ecclesia recolimus. Quod vobis animum addere debet, ne cum ex luce nati esse velitis; nolle enim sine animæ jactura non potestis; desides fedeat: sed ut in priorum memoria Christus, sic in vobis renascatur, & speciem nobis omnibus cum voluptate videndam contrahat. Sperlingius vir in mea arte apprime clarus refert de quodam Scotorum rege, qui e piscium squamis & ligno putrefacto vestes fecerit ac Scipiones aliquibus; quos quasi cœlitus venientes militi suo animum facere jusserat: sicque per lucis præviæ mendacium exercitum nactus sit pugnacissimum. An vos magis obtemperaturi sitis, si vos propter opinionem hominum, propter sumtum viriumque detrimentum, propter modos, quibus sine strepitu ac turba voluptatem usurpare licet, de modestia continentia & tranquillitate per has ferias servanda compellarem: id quidem nescio: credo tamen vos DEI autoritatem & Christi nativitatem, ad quas cœtera mutuatum lumen habent, pluris habituros esse. Adeo id futurum confido, ut quales maxime his feriis mores vestros mihi pollicear, adhuc apud vos exprimendum putem. Sic eritis: Omnes vera fide ac integra pietate sacra frequentabunt, domi suæ Christi nativitatem contemplantam & luce exinde hausta precibus ac vita integra celebrandam sibi sument: omnes frugi, omnes boni eritis. Nemo tenebras affectabit, nemo umbras quæret, nemo ad vesperascentibus feriis vel injuriam vel proterviam in prætereuntes aut templum egressas exercebit, nemo inebriabitur, nemo turbas ciebit nocturnas, nemo vitium admittet, nemo poenam merebitur. Singuli ultro omne immodestiae ac proterviae

instru-



instrumentum ex animo proscribent, uti ex honesta civitate exulare  
vel potius abesse debent. Quam illustrem habiturus ego sum ma-  
gistratū; si tales vos habebo, quales jam spero: quam splendide eum  
deseram; si tales cognitos judicavero, quales opto, nempe lucis  
filios. Certe spe de isthac indole vestra ipse jam elatior factus &  
confidentior, non jam vos lucis filios fieri: Sed lucem vos ma-  
gistales facere jubeo. Veni lux vera Christe redemptor, & tota  
vir radiorum, qui ex Tua proveniunt natura nostra pectora adim-  
ple. Eleva super nos lumen Vultus Tui, ac in veritate & pietate  
conserva, quos mihi regendos dedisti lucis, hoc est; Tuos fili-  
os: quod tandem singuli sine labe & macula in Eccle-  
sia & reipublicæ lumina  
evadant!

**P. P. Sub Sigillo Rectorali**

**Ipse natalis divini feria.  
M.D.CCII.**

